



LAPIN LIITTO

DAVVI-SÁMI EANANGODDELÁVVA 2040

Soađegilli – Anár – Ohcejohka

EANANGODDELÁVVAMEARRÁDUSAT JA MERKEMIID ČILGEHUSAT

12.11.2018



LAPLAND
Above Ordinary

Dát eanangoddelávverkemat ja -mearrádusat laktásit x.x.xxxx dohkkehuvvon Davvi-Sámi eanangoddelávvi 2040

OPPA EANANGODDELÁVVAGUVLUI GUOSKEVAŠ MEARRÁDUSAT:

PLÁNENMEARRÁDUSAT :

Guovlluideavaheami ja doaimmaid plánedettiin galgá ovddidit servodatráhkadusa čavddásmahttima, eallinbirrasa šlája buoridaemi sihke joavkojohtalusa ja geahppa johtalusa eavttuid ovddideami. Plánemis galgá giddet fuomášumi guovllu earenoamáš diliide.

Sámiid ruovttuguovllus guovlluideavaheami plánemis dorvvastuvvo sápmelaččaide eamiálbmogin vuoigatvuohta bajásdoallat ja ovddidit iežas giela ja kultuvrra.

Guovlluideavaheami plánemis galgá váldit vuhtii riikkabealušteami ja rádjagozáhusa dárbbuid ja dorvvastit daidda doarvái guovlluguovdasaš ovddidan- ja doaibmavejolašvuođaid.

Lávvguovllus guovllu dáfos mearkkašahtti bođugávppi stuorraovttadaga viidodaga vuollerádjá lea 4 000 g-m².

Gáddeguovlluin čoahkkebáikedoaimmaid guovlluid (A),guovddášgilliid (at ja ats), ja guovddášdoaimmaid čozáhagaid (c) sihke bálvalusaid guovlluid ja rádjagávpegilliid (p) olggobealde huksekahtes gáddesárgá ossodat galgá leat unnimusat bealli nuppástuhttojuvvon gáddesárgás. Bissovaš ássama šaddama galgá ovddidit dálá ráhkadusa dievasmahttimiin. Gáddeguovlluin galgá dorvvastit gátti mielde johtolatoktavuođa.

Eanageavaheami plánemis galgá guovllu sierraiešvugiide doarjalemiin váldit vuhtii mávssolaš luonddubirrasiid, mávssolaš eanadatguovlluid, huksejuvvon kulturbirrasiid, sápmelaš kulturbirrasa sierraiešvugiid ja giddet earenomáš fuomášumi huksejuvvon birrasa kvalitehttii. Plánemis galgá fuolahit das, ahte riikkaviidosaččat mávssolaš kulturbirrasiid ja luondduárbbi árvvut dorvvastuvvojit ja ovddidit luonddu mánggabealatvuođa dáfos mávssolaš guovlluid ja ekologalaš oktavuodaid seailuma.

Eanadaga dáfos hearkkes guovlluin, nu go johka- ja jávregáttiin sihke mávssoleamos várre- ja duottarguovlluin ja váldogeainnuid, turismabálvalusguovlluid, vándardanmáđijaid ja čoahkkebáikkiid lagaš vuvddiin vuovdegieđahallandoaimmaid galgá plánat fuolalaččat nu, ahte eanadaga iešvuoigatvuođat váldojuvvojit vuhtii ja geahččalit garvit stuorra rievdamiid.

Visttiid dahje eará stuorát huksehusaid ii galgga plánat biddjot eanadaga dáfos hearkkes sajiide, nu go seakka njárgagežiide ja gutkuide sihke gáddeeanadaga hálddašeddji dieváid čohkaide.

Eanageavaheami plánemis galgá fuolahit eana- ja vuovdedoalu dáfos mearkkašahtti oktílaš bealdo- ja vuovdeguovlluid sihke sáme kultuvrra ja -ealáhusaid sihke boazodikšuma dáfos mearkkašahtti oktílaš guovlluid seailumis.

Bieggafápmorusttegiid galgá bidjat čoahkkái mángga bieggafápmorusttega ovttadagaide. Gieldda lávvabarggus ja guovlluideavaheami eará plánemis galgá váldit vuhtii bieggafámu huksema váikkuhusaid eanadahkii, ássamii, luopmoássamii, lottiide ja eará ealliide, lundui ja kulturárbbái sihke láivudit vahátlaš váikkuhusaid. Bieggafápmorusttegiid plánemis galgá dorvvastit bealuštanfámuid doaibmaeavttuid sihke čielggadit ja váldit vuhtii bieggafápmorusttegiid váikkuhusaid rádárvuogádagaide, bealuštanfámuid rádío-oktavuođaide ja eará kommunikašuvdnavuogádagaide.

Bieggafápmorusttegiid ja eará alla huksehusaid plánedettiin galgá váldit vuhtii girdineastagiid allodatráddjemiid.

Boazodikšunguovllus galgá dorvvastit boazodikšuma ja eará luondduealáhusaid guovlluid geavahepmái čatnaseaddji doaibma- ja ovddidanvejolašvuođaid. Boazodikšumii sakka váikkuheaddji guovlluidgeavaheami plánedettiin galgá váldit vuhtii boazodikšumii dehálaš guovlluid. Stáhta eatnamiid oasil galgá ráđđádallat guoskevaš bálgosa ovddasteaddjiiguin.

Eanageavaheami plánemis galgá ráhkkanit dálkki ravdaihtagiidda ja dulvviide sihke dálkkádat- rievdamá váikkuhusaide. Dulve-, čeahkkáigahččan- ja fierranvárraguovlluid galgá čujuhit oppalaš- ja sajádatlávain juogo guovllun dahje huksenráddjemin. Huksensajiid ii oaččo plánet biddjot guovlluide, main lea dulvvi, čeahkkáigahččama dahje fierrama várra. Dás spiehkcasit dušše, juos dárbo- ja váikkuhusčielggademiid vuođul čájehuvvo, ahte dulveriskkaid bastá hálddašit ja ahte huksen čuovvu suvdilis ovdáneami. Eanageavaheami plánemis galgá váldit vuhtii dulveriskaguovlluid ja dulvviid hálddašanplánaid.

Plánemis galgá geahččalit eastadit šlámas, spargasis dahje heajos áibmokvalitehtas šaddi biras- ja dearvasvuođahethtehusaide. Šlápmahehttehusaide eastadeami dihte ja birrasa hávskivuodá dorvvasteami dihte eanageavaheami, johtalusa ja huksema plánemis sihke huksema lohpeannudeamis galgá váldit vuhtii stáhtaráđi mearrádusa šlápmađásiid rávaárvvuin. Bieggafápmorusttegiid bokti galgá váldit vuhtii stáhtaráđi lánkaásahusa bieggafápmorusttegiid olgošlápmađási rávaárvvuin. Stáhtaráđi lánkaásahusa lossa vearjjuid ja bávkalemiid šlápmađásiin galgá váldit vuhtii doaimma hárjehettiin, eanangeavahan- ja huksenlágas (132/1999) oavvilduvvon guovlluidgeavaheami plánemis ja birassuodjalanlágas oavvilduvvon lohpeannudeamis ja bearráigeahčus.





Plánedettiin dakkár guovllu geavaheami, mas lea gidde dološbázahus dahje eará arkeologalaš kulturárbečuozáhat, galgá ráđđádallat Musealágádusain sihke ráhkkanit dárbbalaš čielggademiide. Almmá dološmuitolága vuođul addojuvvon lobi haga lea gidde dološbázahusa goavun, gokčan, rievdadeapmi, vahágahttin, eretváldin ja dan eará duohtadeapmi gildojuvvon. Mearrádus guoská maidái čázevuloš dološbázahusaide.







Plánedettiin suodjalanguovllu dahje suodjalanprográmmii gullevaš guovllu geavaheami galgá ráđđádallojuvvot luonddusuodjaleamis ja guovllu hálddašeamis vástideaddji eiseválddiiguin. Natura 2000 -fierpmáđahkii biddjon guovlluide čuohtti doaimmaid váikkuhusaid galgá dárbbu mielde árvvoštallat LSL 65 § mielde.

HUKSENÁDDJEHUS:

Eanangeavahan- ja huksenlága 33 §` mielde evttolaš huksenráddjehus lea fámus áhpásnuvvan- dahje suodjalanguovllun dahjege johtalusa dahje teknalaš fuolahusa fierpmáđagaid dahje guovlluid várás čujuhuvvon guovlluin (V, L, LL, II, EN, EJ, SL, Se, SM, SR, SR1, vt, kt, st, yt, fápmojođas). Ráddjehus viiddiduvvo guoskat bealuštanfámuid guovlluide (EP), báhčín- ja hárjehusguovlluide (EAH), ruvkeguovlluide (EK), suodjeavádagaide (sv), šlápmaguovlluide (me ja me1), čáhceguvlui (W-1) sihke dehálaš ja čáhceháhkamii heivvolaš vuođđočáhceguovlluide. Ráddjehus ii guoskka bieggafápmorusttegiid guovlluide (tv).

OVDDIDANPRINSIHPPAMERKEMAT




Merken	MERKEMA ČILGEHUS Merkema válddahallan <i>Lávvamearrádus</i>
	<p>SÁMIID RUOVTTUGUOVLU Merkemiin čujuhuvvo sámiid ruovttuguovlu. Guovlluin oaivvilduvvo Eanodaga, Anára, Ohcejoga gielddaid viidodagat sihke Soađegili gieldda Sámi bálgosa guovlu. <i>Eiseválddit galget várret sámediggái dilálašvuođa šaddat gullojuvvot ja ráđđádallat buot viidát váikkuheadji ja mearkkašahtti doaibmabijuin, mat sáhttet dakkaviđe ja earenoamáš vugiin váikkuhit sápmelaččaid sajádahkii eamiálbmogin ja mat gusket sámiid ruovttuguovllus servodatplánema, stáhtaeatnama, suodjalanguovlluid ja meahcceguovlluid dikšuma, geavaheami, láigoheami ja luobaheami, ruvkemineráid gávdnosa ohcama ja dainna ávkkástallama sihke stáhta eana- ja čáhceviidodagain dáhpáhuvvi golledoidima dahjege eará danveardásaš guovlluid geavahanášši, mii laktása sámiid gillii, kultuvrii dehe sin sajádahkii eamiálbmogin.</i></p> <p><i>Meahciráđđehusa hálddašan luondduriggodagaid dikšun, geavaheapmi ja suodjaleapmi galgá heivehuvvot oktii Sámedikkis addojuvvon lágas dárkkuhuvvon sámiid ruovttuguovllus nu, ahte sámi kultuvrra hárbjeheami eavttut dorvvastuvvojit, sihke boazodoallolágas dárkkuhuvvon boazodoalloguovllus nu, ahte boazodoallolágas addojuvvon geatnegasvuođat ollašuvvet.</i></p> <p><i>Boazodoalu ja luondduealáhusaid ráhkadusdoarjjalágas oaivvilduvvon doaibmabijuin galgá giddet earenoamáš fuomášupmi sápmelaččaid vejolašvuođaide doalahit ja ovddidit kulturhápmáset gullevaš ealáhusaid sámiid ruovttuguovllus.</i></p> <p><i>Sámiid ruovttuguovllus vuovdedoallu galggalii geavahit lunddolaš ođasnuvvama dasa heivvolaš čuožáhagain ja garvit eanangierraga vuoimmálaš gieđahallama.</i></p>
	<p>NUORTALAŠGUOVLU Merkemiin čujuhuvvo nuortalašguovlu. <i>Nuortalašguovllus stáhta ja gieldda eiseválddit galget várret nuortalaččaid siidačoahkkimii dilálašvuođa cealkámuša addimii nuortalaččaid ealáhusaide ja eallindiliide guoskevaš viidát váikkuheadji ja prinsihpalaš áššiin.</i></p>
	<p>JIEKDAMEARA MANAHAT Merkemiin čujuhuvvo riikkaviidosaččat dehálaš riikkaidgaskasaš ovddidanmanahat. <i>Manahat ovddiduvvo riikkaidgaskasaš johtalusmanahahkan, man eanangeavaheami plánemis galgá giddejuvvot earenoamáš fuomášupmi johtalusa njuovžilvuhtii ja dorvvolašvuhtii, johtalusa ja turismma bálvalusaide, johtalusbirrasa šládji sihke luonddu-, eanadat- ja kulturbirasárvvuide. Eanangeavahusa plánemis galgá váldit vuhtii alladásat johtalusoktavuođaid sihke energija-, kábeloktavuohta- ja diehtujohtolatjohtasiid sadjevárremat ja ráddjehusat birastahtti eanangeavaheapmái.</i></p>
	<p>TURISMMA GEASUHUSGUOVLU, TURISMMA JA ÁHPÁSNUVVAMA OVDDIDEAMI ČUOZÁHATGUOVLU Merkemiin čujuhuvvojit turismma ja áhpásnuvvama avádagat, maidda čuhcet guovlluidegeavahuslaš ovddidandárbbut ja daid oktii heiveheapmi. <i>Guovlu galgá ovddidit turismaguovddáziid, turismabálvalusčuožáhagaid, gille- ja dálanguovloturismma, bálvalusaide ja johtolagaid oktasaš doaibmama ollisvuhtan guovllu váldogeavahusain heivvolaš vugiin. Kulturárbe-, eanadat- ja luondduárvvuin galgá atnit ávvira turismma geasuhusfápmadahkkin. Sámiid ruovttuguovllus galgá dorvvastit sámiid vejolašvuođaid iežaset giela ja kultuvrra hárbjeheapmái.</i></p>







 mk	<p>DÁLONGUOVLLU OVDDIDEAMI ČUOZÁHATGUOVLU Merkemiin čujuhuvvojit dálonguovloavádagat, madda čuhcet guovlluideavahuslaš ovddidandárbbut ja daid oktii heiveheapmi. <i>Guovllus galgá seailluhit ja ovddidit mánggabealálaččat dálonguovllu ealáhusaid, gille- ja dálonguovloturismma, bálvalusaid, ássama ja kulturbirrasa. Fásta ássama sajušteami galgá ovddidit juo leahkki ráhkadusa dievasmahttimiin.</i></p>
 mk-1	<p>DÁLONGUOVLLU OVDDIDEAMI ČUOZÁHATGUOVLU, GOS DEATTUHUVVO SÁMEKULTUVRA Merkemiin čujuhuvvojit sáme kultuvrii doarjaleaddji dálonguovloavádagat, madda čuhcet guovlluideavahuslaš ovddidandárbbut ja daid oktii heiveheapmi. <i>Guovllus galgá seailluhit ja ovddidit mánggabealálaččat sámiid árbevirolaš ealáhusaid, gille- ja dálonguovloturismma, bálvalusaid, ássama ja kulturbirrasa. Guovllus galgá ovddidit sámi kultuvrii ja eará báikkálaš árbevrrui mihtilmas eanageavaheami ja huksenvuogi seailluheami ja ovddideami.</i></p>
	<p>RUVKEDOAIMMA OVDDIDEAMI AVÁDAT Merkemiin čujuhuvvojit dakkár avádagat, main leat gávnnahuvvon mearkkašahti málbma- ja minerálariggodagat.</p>
	<p>JOAVKOJOHTALUSA OVDDIDANMANAHAT / OKTAVUOĐADÁRBUR Merkemiin čujuhuvvojit joavkojohtalusa ovddideapmái laktáseaddji oktavuodadárbbut. <i>Dárkilut plánemis galgá buoridit joavkojohtalusa fidnašuvvama sihke várret doarvái guovlluid molssajohtalussii ja bisáneapmái.</i></p>
	<p>NUORTADAVVEFÁVLLI DÁHTAKÁBEL Merkemiin čujuhuvvo nuortadavvefávlli dalákábel. <i>Dárkilut plánemis galgá váldit vuhtii vejolaš dáhtaguovddáža sajusteapmi.</i></p>
	<p>EKOLOGALAŠ OKTAVUOĐADÁRBUR Merkemiin čujuhuvvojit ekologalaš fierpmádahkii čatnaseaddji dálá dahje ulbmillaš oktavuodát. <i>Dárkilut plánemis galgá váldit vuhtii luonddu mánggabealatvuodá dáfos dehálaš oktavuodáid.</i></p>

GUOVLOVÁRREN- JA OASSEGUOVLOMERKEMAT


Merken	MERKEMA ČILGEHUS Merkema válddahallan <i>Lávamearráduš</i>
 A	ČOAHKKEBÁIKEDOAIMMAID GUOVLU Merkemiin čujuhuvvojit ássamii ja eará čoahkkebáikedoaimmaide, dego guovddášdoaimmaide, bálvalusaide ja industriijai huksenguovllut, váldofávlliin unnit johtolatfávleguovllut, áhpásnuvvan- ja párkaguovllut sihke sierraguovllut.
 at	GUOVDDÁŠGILLI Merkemiin čujuhuvvojit guovllut, maiguin viggojuvvo seilluhit dahje maida plánejuvvojit dálonguovllu vuodđobálvalusat ja maid sáhttá atnit heivvolaš huksenguovlun. <i>Guovllus galgá seilluhit ja ovddidit mánggabealálaččat dálonguovllu ealáhusaid, bálvalusaide, ássama ja kulturbirrasa.</i>
 ats	SÁMEKULTUVRRA JA -HÁLDDAHUSA GUOVDDÁŠGILLI Merkemiin čujuhuvvojit guovllut, main leat sáme kultuvrra ja -hálldahusa doaimmat ja main viggojuvvo seilluhit dahje maida plánejuvvojit dálonguovllu vuodđobálvalusat ja maid sáhttá atnit heivvolaš huksenguovlun. <i>Guovllus galgá seilluhit ja ovddidit mánggabealálaččat sáme kultuvrrii doarjaleaddji dálonguovllu ealáhusaid, bálvalusaide, ássama ja kulturbirrasa sihke sámii iežaset gillii ja kultuvrrii guoskevaš iešráđđema.</i>
 C	GUOVDDÁŠDOAIMMAID ČUOZÁHAT Merkemiin čujuhuvvojit guovddášohcaleaddji bálvalus-, hálldahus- ja eará doaimmaid guovllut daidda gullevaš ássamiin sihke johtalus-, párka- ja ruonasguovlluiguin. <i>Guovllu plánemis ja huksemis sihke stuorramihtot visttiid sajušteamis guovddáži galgá gidet fuomášumi buori huksenvieru ja čoahkkebáikegova ollašuhittimii, mánggabealat bálvalusráhkadusa ovddideapmái ja mávssolaš huksejuvvon kulturbirrasa várjaleapmái.</i> <i>Gávppi stuorraovttadagaid ollašuhttima áiggi válljemis galgá váldit vuhtii guovllu bálvalusráhkadusa dássedettolaš ovddideapmi nu, ahte bálvalusfáluš eai šatta guovllu dáfos dahje veahkadatjoavkkuid gaskasaš bálvalusaide olahahttivuođa dáfos negatiivvalaš nuppástusat.</i>
 p	BÁLVALUSAID GUOVLU, RÁDJAGÁVPEGILLI Merkemiin čujuhuvvojit priváhtta gávppálaš bálvalusaide guovllut rádjagávpegiliin.
 TP	BARGOSADJEGUOVLU Merkemiin čujuhuvvojit mánggabealat bargosadjeguovllut, main sáhttet leat doaimmahat- ja bálvalusbargosajit sihke birashehttehusaid dagakehtes industriija ja vuorkun. <i>Guvlui sáhttá bidjat birashehttehusaid dagakehtes buvttadandoaimma ja vuorkuma, doaimmahagaid, logistihka guovlluid sihke guvlui heivvolaš gávppálaš ja eará bálvalusaide.</i> <i>Guvlui ii oaččo plánat dakkár bargosadjedoaimmaid, maid vahátlaš birasváikkuhusat lagaš guovlluide sáhttet leat mearkkašahhtit.</i>










	<i>Dárkilut plánemis galgá váldit vuhtii njuovžilis ja doaibmi johtalusoktavuođaid váldofávlliide, čoahkkebáikkiide ja ássamii.</i>
T	INDUSTRIIJA JA VUORKÁGUOVLU Merkemiin čujuhuvvojit guovllu dáfus mearkkašahtti industriija- dahje vurkendoaimmaid guovllut. <i>Guovllu plánemis galgá fuolahit das, ahte mearkkašahtti birashehttehusat lagaš guovlluide eastaduvvojit.</i>
M	EANA- JA VUOVDEDOALLOFÁMOLAŠ GUOVLU Merkemiin čujuhuvvojit váldoáššis eana- ja vuovdedoalloatnui oaivvilduvvon guovllut, maid sáhtta geavahit váldoáššálaš geavahanulbmila bahábut hehtekeahttä maiddá eará ulbmiliidda.
M-1	VUOVDEDOALLO- JA BOAZODIKŠUNFÁMOLAŠ GUOVLU Merkemiin čujuhuvvojit váldoáššis vuovdedollui ja boazodikšumii oaivvilduvvon guovllut, maid sáhtta geavahit váldoáššálaš geavahanulbmila bahábut hehtekeahttä maiddá eará ulbmiliidda. <i>Sámiid ruovttuguovllus dorvvastuvvojit sápmelaččaid vejolašvuođat hárjehit iežaset giela ja kultuvrra.</i>
M-2	VUOVDEDOALLO-, TURISMA- JA BOAZODIKŠUNFÁMOLAŠ GUOVLU Merkemiin čujuhuvvojit váldoáššis vuovdedollui, turismii ja boazodikšumii oaivvilduvvon guovllut, maid sáhtta geavahit váldoáššálaš geavahanulbmila bahábut hehtekeahttä maiddá eará ulbmiliidda. <i>Sámiid ruovttuguovllus dorvvastuvvojit sápmelaččaid vejolašvuođat hárjehit iežaset giela ja kultuvrra.</i>
Ms-1	LUONDDUDOALLO- JA BOAZODIKŠUNFÁMOLAŠ GUOVLU Merkemiin čujuhuvvojit váldoáššis luondduealáhusatnui ja boazodikšumii oaivvilduvvon guovllut, maid sáhtta geavahit váldoáššálaš geavahanulbmila bahábut hehtekeahttä maiddá eará ulbmiliidda. <i>Sámiid ruovttuguovllus dorvvastuvvojit sápmelaččaid vejolašvuođat hárjehit iežaset giela ja kultuvrra.</i>
MU	EANA- JA VUOVDEDOALLOFÁMOLAŠ GUOVLU, MAS LEA EARENOMÁŠ OLGOLIHKADEAMI STIVRENDÁRBU Merkemiin čujuhuvvojit guovllut, mat leat oaivvilduvvon váldoáššis eana- ja vuovdedoalu hárjeheapmái ja maidda lea ulbmil bidjat olgolihkadeami stivrendárbbu dihte bálgát ja máđijat vuoigŋastan- ja eará doarjjaguovlluideasetguin. <i>Guovllu plánemis galgá dorvvastit eana- ja vuovdedoalu ja eará dálonguovloaláhusaid doaibmavejolašvuođaid. Olgolihkadeami stivrendárbbu dihte plánemis galgá váldit vuhtii bálgáid ja olgolihkadanmáđijaid sihke daidda laktáseaddji vuoigŋastan- ja doarjjaguovlluid.</i>
MU-1	VUOVDEDOALLO- JA BOAZODIKŠUNFÁMOLAŠ GUOVLU, MAS LEA EARENOMÁŠ OLGOLIHKADEAMI STIVRENDÁRBU Merkemiin čujuhuvvojit guovllut, mat leat oaivvilduvvon váldoáššis vuovdedollui ja boazodikšumii, maidda čuhcet olgolihkadandeaddagat ja maidda lea ulbmil bidjat olgolihkadeami stivrendárbbu dihte bálgáid ja olgolihkadanmáđijaid vuoigŋastan- ja eará doarjjaguovlluideasetguin. <i>Guovllu plánemis galgá dorvvastit vuovdedoalu ja boazodikšuma ja eará dálonguovloaláhusaid doaibmavejolašvuođaid. Olgolihkadeami stivrendárbbu dihte plánemis galgá váldit vuhtii bálgáid ja olgolihkadanmáđijaid sihke daidda laktáseaddji vuoigŋastan- ja doarjjaguovlluid.</i>









	<p><i>Sámiid ruovttuguovllus dorvvastuvvojit sápmelaččaid vejolašvuođat hárjehit iežaset giela ja kultuvrra.</i></p>
<p>MU-2</p>	<p>VUOVDEDOALLO-, TURISMA- JA BOAZODIKŠUNFÁMOLAŠ GUOVLU, MAS LEA EARENOMÁŠ OLGOLIHKADEAMI STIVRENDÁRBU Merkemiin MU-2 čujuhuvvojit guovllut, mat leat oaivvilduvvon váldoáššis vuovdedollui, turismii ja boazodikšumii. <i>Guovllu áhpásmahttin-, eanadat- ja luondduárvvuid vuhtii váldi vuovdedoallu lea lobálaš.</i></p> <p><i>Guvlui sáhtta plánet lundui ja eanadahkii heivvolaš vugiin vánddardeami ja prográmmabálvalusaid doarjjabáikkiid.</i></p> <p><i>Guovllu geavaheami plánedettiin galgá dorvvastit guovllu boazodikšuma vejolašvuođaid.</i></p> <p><i>Sámiid ruovttuguovllus dorvvastuvvojit sápmelaččaid vejolašvuođat hárjehit iežaset giela ja kultuvrra.</i></p>
<p>MY-1</p>	<p>VUOVDEDOALLO- JA BOAZODIKŠUNFÁMOLAŠ GUOVLU, MAS LEAT EARENOMÁŠ BIRASÁRVVUT. Merkemiin MY-1 čujuhuvvojit erenomážit boazodikšuma várás oaivvilduvvon guovllu stáhta eatnamiin leahkki METSO-guovllut ja Meahciráđđehusa suodjalanvuovddit sihke jekkiidsuodjaleami dievasmahttinčuozáhagat. <i>Guovllu plánemis galgá váldit vuhtii luonddu máŋggabealatvuođa seailun ja guovllu earenomáš luondduárvvuid.</i></p>
<p> mt</p>	<p>DUTKANVUOVDI Merkemiin čujuhuvvo Laanila dutkanvuovdi.</p>
<p></p>	<p>ERENOMÁŽIT BOAZODIKŠUMA VÁRÁS DÁRKKUHUVVON GUOVLU Merkemiin čujuhuvvo BDL 2 § 2 mom. oaivvilduvvon guovlu. <i>Guovllu stáhta eatnama ii oaččo geavahit dainna lágiin, ahte dat dagaha mearkkašahti vahága boazodollui. Stáhta eatnama luobaheapmi dahje láigoheapmi oažžu dáhpáhuvvat dušše dainna eavttuin, ahte eananoamasteaddjis dahje láigoolbmoss ii leat vuoigatvuohta oažžut buhtadusa bohccuid dagahan vaháigiin.</i></p>
<p></p>	<p>BÁLGOSA RÁDJÁ / CAGGANÁIDI Merkemiin čujuhuvvo bálgosiid gaskasaš rádjá dahje cagganáidi. <i>Mohtorgielkávuodjin- ja olgolihkadanmáđijaid galgá plánet nu, ahte dat ruossanit nu hárve báikkiin go vejolaš bálgosa cagganáiddiin ja ahte bohccuid suotnjan áiddi čađa johtolaga buohta viggojuvvo eastaduvvot.</i></p>
<p>----- • ph</p>	<p>BOAZODIKŠUMA DÁFOS EARENOMÁŠ DEHÁLAŠ GUOVLU/ČUOZÁHAT/ÁIDI Merkemiin čujuhuvvojit boazodikšuma dáfos earenomáš dehálaš guovllut, čuozáhagat dahje guohtunjohtináiddit. <i>Guovllu plánemis galgá dorvvastit boazodikšumii mearkkašahti ráhkadusaid/guovlluid seailun.</i></p> <p><i>Mohtorgielkávuodjin- ja olgolihkadanmáđijaid galgá plánet nu, ahte dat ruossanit nu hárve báikkiin go vejolaš bissovaš boazoáiddiin dego bargo- ja guohtunjohtináiddiin ja ahte bohccuid suotnjan áiddi čađa johtolaga buohta viggojuvvo eastaduvvot. Plánemis galgá váldit vuhtii, ahte boazodikšuma dáfos earenomáš dehálaš čuozáhagaide sáhttet leat guhkesge bohccuid vuojehanjohtolagat ja daidda čatnaseaddji boazoáiddit.</i></p>
<p>• pht</p>	<p>BOAZONJUOVAHAT</p>

















	Merkemiin čujuhuvvojit boazonjuovahagat.
 pt	ISKKUSBOAZOGÁRDI Merkemiin čujuhuvvo Kutuharju iskkusboazogárdi.
----- lt	LUONDDUEALÁHUSGUOVLLU RÁDJÁ Merkemiin čujuhuvvo boazodoalu ja luondduealáhusaid ráhkadusdoarjalágas oaivvilduvvon rádjá, man davábealde heivehuvvojit luondduealáhusaid oasil dán lága mearrádusat.
 ● RM	TURISMABÁLVALUSAID GUOVLU/ČUOZÁHAT Merkemiin čujuhuvvojit guovllu dáfos mearkkašahtti turismabálvalusaid guovlluid, dego turisma- ja luopmoguovddážat, luopmogilit, luopmohoteallat, gohttenbáikkít dahje eará vástideaddji turismma ja idjadeami bálvaleaddji doaimmat. <i>Guovllu plánemis galgá fuolahit das, ahte turismma ovddidandárbbut heivehuvvojit luonddu-, eanadat- ja kulturbirasárvvuide daiguin ávkkástaladettiin. Sámiid ruovttuguovllus váldojit vuhtii sámiid kulturárbe- ja birasárvvuid iešvuogit.</i> <i>Dárkilut plánemis guvlui sáhtttá čujuhit turisma-, áhpásnuvvan- ja valástallanbálvalusaid lassín astoáiggi ja bissovaš ássama.</i> <i>Dárkilut plánemis galgá doarjalit eanaš huksejuvvon birrasii nu, ahte guovllu luonddubiras- ja eanadatárvvuin adnojuvvo ávvir sihke áhpásnuvvana ja olgolihkadeami dárbbut dorvvastuvvojit.</i>
 rm	TURISMAČUOZÁHAT Merkemiin čujuhuvvojit turismma ja áhpásmahttima dáfos mearkkašahtti čuožahagat. <i>Guovllu plánemis galgá fuolahit das, ahte turismma ovddidandárbbut heivehuvvojit guovllu luonddu-, eanadat- ja kulturbirasárvvuide. Sámiid ruovttuguovllus váldojit vuhtii sámiid kulturárbe- ja birasárvvuid iešvuogit.</i>
  V	ÁHPÁSNUVVANGUOVLU/ČUOZÁHAT Merkemiin čujuhuvvojit eanaš olgolihkadan- ja vánddardan- sihke valástallan- ja áhpásnuvvandoaimma guovllut. <i>Dakkár vuovdedoallu lea lobálaš, mii váldá vuhtii áhpásnuvvan-, eanadat- ja luondduárvvuid. Guovllus lea lobálaš dušše valástallama, áhpásnuvvana ja álggobuvttadeami ealáhusaid bálvaleaddji huksen sihke visttiid vuodđodivvun.</i>
	JOHTALUSGUOVLU/ČUOZÁHAT Merkemiin čujuhuvvojit guovllut logistihkkaguovddážiid ja muorraávnasternálaid várás. (Ei vielä kartalla)
	GIRDIJOHTALUSA GUOVLU Merkemiin čujuhuvvojit guovllut girdindoaimma várás.
●	GIRDINBÁIKI Merkemiin čujuhuvvojit smávvagirdingiettit ja várreseavusajit. <i>Guovllu plánemis galgá váldit vuhtii smávvagirdingittiin girdijohtalusa várreseavunsajiin boahtti eanageavaheami ráddjehusat.</i> <i>Guvlui huksema plánedettiin galgá bealuštanfámuide várret vejolašvuoda cealkámuša addimii.</i>








● LS	SÁTKU Merkemiin čujuhuvvojit sátkkut.
● EN	ENERGIJAFUOLAHUSA ČUOZÁHAT Merkemiin čujuhuvvojit energijafuolahusa bálvaleaddji lágádusaid dahje ráhkadusaid, dego fápmolágádusaid ja stuorrajoraheaddjiguovlluid várás várrejuvvon guovllut.
<div style="border: 1px dashed black; width: 20px; height: 20px; display: inline-block; margin-right: 5px;"></div> tv	BIEGGAFÁPMORUSTTEGIID GUOVLU Merkemiin čujuhuvvojit riikkaviidosas guovlluideavahusmihttomeriin oaivvilduvvon bieggafámuin ávkkástallamii buoremusat heivvolaš guovllut. <i>Bieggafápmorusttegiid galgá sajuštit čoahkkái mángga bieggafápmorusttega joavkun ja nu lahkalaš go dat energijabuvttadeami gánnáhahttivuođa vuhtii válddedettiin lea vejolaš.</i> <i>Guovllu plánemis galgá váldit vuhtii bieggafápmorusttegiid váikkuhusaid riikkaviidosáčat mávssolaš eanadatguovlluide ja riikkaviidosáčat mearkkašahtti huksejuvvon kulturbirrasiid.</i> <i>Guovllu geavaheami plánedettiin galgá dorvvastit guovllu boazodikšuma vejolašvuođaid.</i>
● E	SIERRAGUOVLU/ČUOZÁHAT Merkemiin čujuhuvvojit guovllut, main lea dihto sierrageavahanulbmil ja main johtin lea dábálaččat ráddjejuvvon.
● EJ	BÁZAHUSGIEĐAHALLANČUOZÁHAT Merkemiin čujuhuvvojit bázahusaid vuostáiváldimii ja giedahallamii várrejuvvon guovllut dego sirdinlásten- ja ávkestašuvnnat ja bázahusaid ovdagiedahallanlágádusat. <i>Guovllu doaimmaid plánemis mearkkašahtti birashehttehusaid galgá eastit teknalaš čovdosiiguin ja/dahje čujuhemiin doarvái suodjeguovlluid birashehttehusaid geahpedeami várás.</i>
● EO	EANAÁVDNASIID VÁLDINGUOVLU/ČUOZÁHAT Merkemiin čujuhuvvojit guovllut čievrra dahje eará eanaávdnasiid váldima várás. SIERRA ČUOZÁHAGAI PLÁNENMEARRÁDUSAT: EO 2695, EO 2711 ja EO 2712 <i>Eanaávdnasiid váldindoaimma plánedettiin galgá váldit vuhtii guovllu leahkin vuodđo-čáhceguovllus. Guvlui guoskevaš doaimbajuid galgá plánat nu, ahte vuodđočázi šládja, mearri ja geavahahttivuohta čáhceháhkamii eai daid váikkuhusas hedjon.</i> EO 2683, EO 2684, EO 2700, EO 2701, EO 2702, EO 2703, EO 2704, EO 2705, EO 2706, EO 2707, EO 2708, EO 2709, EO 2710, EO 2711, EO 2712, EO 2713, EO 2714, EO 2715, EO 2716, EO 2717, EO 2718, EO 2719, EO 2720 ja EO 2721 <i>Eanaávdnasiid váldindoaimma plánedettiin galget dorvvastuvot sámiid vejolašvuođat hárhjit iežaset giela ja kultuvrra.</i>
<div style="background-color: #FFC0CB; padding: 5px; display: inline-block; margin-right: 5px;">EOT</div>	LAVDNJEVÁLDINGUOVLU Merkemiin čujuhuvvojit buvttadanmuttus leahkki lavdnjebuvttadanguovllut. <i>Lavdnjebuvttadanguovllu marjjegeavahusa plánedettiin galgá viggat dorvvastit guovllu boazodikšuma eavttuid.</i>
<div style="border: 1px dashed black; width: 20px; height: 20px; display: inline-block; margin-right: 5px;"></div> eot	LAVDNJEBUVTTADANPOTENSIÁLALAŠ GUOVLU Merkemiin čujuhuvvojit guovllut, main leat dutkojuvvon lavdnjeriggodagat. <i>Jekkiid luonddudilát dahje luonddudillelágan osiid galgá guodđit buvttadeami olggobeallái.</i>

	<p><i>Lavdnjebuvttadanguovlluid atnuiváldima plánemis ja áiggi válljemis galgá váldit vuhtii buvttadanguovlluid oktasaš váikkuhus čázádagaide ja vuođđočáziide.</i></p> <p><i>Lavdnjebuvttadeami plánedettiin galgá váldit vuhtii doaimma váikkuhusaid vulobeale čázádaga dillái ja vuođđočáziide sihke viggat láivudit vahátlaš váikkuhusaid.</i></p> <p><i>Lavdnjebuvttadanguovllu marjjegeavahusa plánedettiin galgá dorvvastit guovllu boazodikšuma eavttuid.</i></p>
EK	<p>RUVKEGUOVLU Merkemiin čujuhuvvot guovllut, main juo lea ruvkedoaimma dahje main lea gávnnavuvvon, árvoštallojuvvon dahje inventerejuvvon dakkár málbma- ja minerálagávdnosat, ahte ruvkedoaimma lea jáhkehahtti. Guovllut sisdollet maiddá ruvkedoaimma dáfos dárbbášlaš riggdahahttinlágádusat, guhppen- ja riggdansáddoguovlluid sihke johtoláttávlliid ja -guovlluid. <i>Guovllu ruvkedoaimmaid plánemis (ruvkke olles eallingeavlli vuhtiiváldimiin) galgá erenomážit čázádatváikkuhusaid hálddašeami olis váldit vuhtii dálkki ravdaihtagiid ráhkanemiin earret earáid lossa arviide ja dulvediliide.</i></p> <p>SIERRA ČUOZÁHAGAIÐ PLÁNENMEARRÁDUSAT: <i>EK 1904: Ruvkedoaimma galgá plánet nu, ahte dat ii Koitelainen Natura 2000 -fierpmádahkii gullelaš guovllus dagat mearkkašahtti luoitimiid dahje hydrologalaš váikkuhusaid dahje muđuidge daga mearkkašahtti veara heajubun guovllu daid luonduárvvuid, maid dihte dat lea biddjon Natura 2000 -fierpmádahkii.</i></p> <p><i>EK 1921: Ruvkedoaimma galgá plánet nu, ahte dat ii Viiankiaapa Natura 2000 -fierpmádahkii gullelaš guovllus dagat mearkkašahtti luoitimiid dahje hydrologalaš váikkuhusaid dahje muđuidge daga mearkkašahtti veara heajubun guovllu daid luonduárvvuid, maid dihte dat lea biddjon Natura 2000 -fierpmádahkii.</i></p>
 ek-ma	<p>EATNANVULOŠ RUVKEGUOVLU Merkemiin čujuhuvvo Sakatti ruvkeguovllu (EK 1921) eatnama vuollái olli oassi, mii lea Viiankiaapa jekkiidsuodjalanguovllus (SL 4313). <i>Ruvkedoaimma galgá plánet nu, ahte dat ii Viiankiaapa Natura 2000 -fierpmádahkii gullelaš guovllus dagat mearkkašahtti luoitimiid dahje hydrologalaš váikkuhusaid dahje muđuidge daga mearkkašahtti veara heajubun guovllu daid luonduárvvuid, maid dihte dat lea biddjon Natura 2000 -fierpmádahkii.</i></p>
EP	<p>BEALUŠTANFÁMUIÐ JA RÁDJAGOZÁHUSLÁGÁDUSA GUOVLU Merkemiin čujuhuvvot dakkár bealuštanfámuid ja rádjegozáhuslágádusa garnisovdna-, hárbjus- ja vástideaddji guovllut, mat leat bissovaš anus dahje dakkárin plánejuvvon ja main johtin lea ráddjejuvvon. <i>Plánedettiin guovllu geavaheami galgá bealuštanfámuide ja rádjegozáhuslágádussii várret vejolašvuoda cealkámuša addimii.</i></p>
EAH	<p>BÁHČIN- JA HÁRJEHUSGUOVLU Merkemiin čujuhuvvot dakkár bealuštanfámuid ja rádjegozáhuslágádusa báhčín-, hárbjus- ja vástideaddji guovllut, mat leat bissovaš anus dahje dakkárin plánejuvvon ja main johtin lea ráddjejuvvon. <i>Guovllu geavaheami plánedettiin galgá gisset earenomáš fuomášumi dorvvolašvuhtii, šlápmahehttemii, vuođđočáziid suodjaleapmái, luondu- ja birasárvvuide sihke kulturábái.</i></p> <p><i>Guovllu geavaheami plánedettiin galgá váldit vuhtii guovllu boazodikšuma eavttuid.</i></p>
	BÁHČINBÁNA

 EA	<p>Merkemiin čujuhuvvojit eanangottálaččat dahje guovllu dáfos mearkkašahti báhčínbánuvuollut. <i>Guovllu lahkosiidda ii galgga plánet ođđa ássanguovlluid dahje eará dakkár doaimmaid, mat leat hearkkit slápmii. Guovllu plánemis galgá váldit vuhtii eanavuodu ja vuoddočázi billášuvvanriskka.</i></p>
 SL	<p>LUONDDUSUODJALANGUOVLU Merkemiin čujuhuvvojit luonddusuodjalanlága vuodul suodjaluvvon dahje suodjaleapmái dárkkuhuvvon guovllut dahje čuožáhagat sihke Natura 2000 -fierpmádahkii biddjon guovllut. <i>Guovllu suodjaleami vuodđun leahkki luondduárvvuid ii oaččo mearkkašan veara heajudit.</i></p>
 Se	<p>MEAHCCEGUOVLU Merkemiin čujuhuvvojit meahccelága vuodul vuodđuduvvon meahcceguovllut, mat leat vuodđuduvvon meahcceluonddu seailuheami dihte, sáme kultuvrra ja luondduealáhusaid dorvvasteami dihte sihke luonddu mánggabelálaš geavahusa ja dan eavttuid ovddideami dihte sihke Natura 2000 -fierpmádahkii biddjon guovllut. <i>Meahcceguovlluid dikšun- ja geavahanplánain galgá váldit vuhtii riikkaviidosáččat ja guovllu dáfos mearkkašahti fanasvánddardan-, mohtorgielkávuodjin- ja olgohkadanmáđijaid sihke turismma ovddidaneavttuid.</i></p> <p><i>Sámiid ruovttuguovllus galgá dorvvastit sámiid vejolašvuodaid hárjehit iežaset giela ja kultuvrra.</i></p>
 SR	<p>VISTESUODJALANČUOZÁHAT Merkemiin čujuhuvvojit girkolága, visteárbbi suodjaleamis addojuvvon lága dahje eanangeavahan- ja huksenlága vuodul suodjaluvvon dahje suodjaleapmái dárkkuhuvvon riikkaviidosáš, eanangottálaš dahje guvllolaš guovllut dahje čuožáhagat. <i>Plánemis galgá dorvvastit čuožáhaga/guovllu kulturhistorjjálaš árvvuid. Ođđa- ja lassehuksema galgá heivehit saji, mihttoláva ja huksenvuogi dáfos mávssolaš vistevuđđui ja huksejuvvon kulturbirrasii.</i></p>
 SR1	<p>VISTESUODJALANČUOZÁHAT Merkemiin čujuhuvvojit girkolága, visteárbbi suodjaleamis addojuvvon lága vuodul suodjaluvvon dahje suodjaleapmái dárkkuhuvvon riikkaviidosáččat dehálaš guovllut dahje čuožáhagat. <i>Suodjalančuožáhaga kulturhistorjjálaš árvvuid heajudeapmi lea gildojuvvon. Ođđa- ja lassehuksema galgá heivehit saji, mihttoláva ja huksenvuogi dáfos mávssolaš vistevuđđui ja huksejuvvon kulturbirrasii.</i></p>
 maV  maV	<p>KULTURBIRRASA JA/DAHJE EANADAGA GÁHTTEMA DÁFOS RIIKKAVIIDOSAČČAT DEHÁLAŠ GUOVLU DAHJE ČUOZÁHAT Merkemiin čujuhuvvojit riikkaviidosáččat mávssolaš eanadatguovllut ja riikkaviidosáččat mearkkašahti huksejuvvon kulturbirrasat. <i>Guovllu plánemis galgá váldit vuhtii kulturbirrasa ja eanadaga mihtilmasvuodaid gáhttema ja dorvvastit mearkkašahti eanadat- ja kulturhistorjjálaš árvvuid seailuma. Čuožáhagaide dahje guovlluide mearkkašahkkái váikkuheaddji fidnuin galgá musealágádussii várret vejolašvuoda cealkámuša addimii.</i></p>
 ma  ma	<p>KULTURBIRRASA JA/DAHJE EANADAGA GÁHTTEMA DÁFOS DEHÁLAŠ GUOVLU DAHJE ČUOZÁHAT Merkemiin čujuhuvvojit eanangottálaččat ja guovllu dáfos mávssolaš kulturbirrasat ja eanadatguovllut.</p>

	<i>Guovllu plánemis galgá váldit vuhtii kulturbirrasa ja eanadaga mihtilmasvuođaid gáhttema ja dorvvastit mearkkašahtti eanadat- ja kulturhistorjjálaš árvvuid seailuma.</i>
	MEARKKAŠAHTTI II MÁILMMISOADI ÁIGGE SOAHTEHISTORJÁGUOVLU DAHJE -ČUOZÁHAT Merkemiin čujuhuvvo eanangottálaččat mearkkašahtti II máilmmisoadi áigge soahtehistorjáguovlu dahje čuozáhat. <i>Guovllu plánemis galgá váldit vuhtii čuozáhaga dahje guovllu historjjálaš iešvugiid.</i> <i>Guvlui guoski eanageavahanfidnuin galgá bivdit museaeiseválddi cealkámuša.</i>
	KULTURHISTORJJÁLAČČAT DAHJE EANADAGA DÁFOS MEARKKAŠAHTTI GE Aidnu DAHJE JOHTOLAT Merkemiin čujuhuvvojit geaidnohálddahusa museageainnut ja eará kulturhistorjjálaččat dahje eanadaga dáfos mearkkašahtti geaidno- ja johtolatoasit. <i>Guovllu plánemis galgá dorvvastit geainnu dahje johtolaga kulturhistorjjálaš ja eanadatlaš árvvuid-</i>
	DOLOŠMUITOČUOZÁHAT Merkemiin čujuhuvvojit dološmuitolága vuodul suodjaluvvon eanangoddelávvií válljejuvvon guovllut dahje čuozáhagat. Bissovaš dološmuitobázahusat leat dološmuitolága (295/1963) mielde ráfáidahtton. <i>Guvlui guoski eanageavahanfidnuin galgá bivdit museaeiseválddi cealkámuša.</i>
	GÁTTIIDSUODJALANPROGRAMMA MIEL GUOVLU Merkemiin čujuhuvvo gáttiidsuodjalanprográmma miel guovlu.
	MÁVSSOLAŠ BUOLŽAGUOVLU DAHJE EARÁ GEOLOGALAŠ HÁBMÁŠUPMI Merkemiin čujuhuvvojit riikkaviidosáččat mávssolaš buolžaguovllut, -moreanahábmášumit, -gádde- ja bieggagearddit, bákteguovllut dahje eará vástideaddjilágan mávssolaš geologalaš hábmášumit. <i>Guovllu geavaheami plánemis galgá váldit vuhtii guovllu luonddučábbodaga, geologalaš hábmášumiid sihke earenomáš luonddudiliid ja -gávdnosiid iešvuođaid.</i>
	DEHÁLAŠ DAHJE ČÁHCEHÁHKAMII HEIVVOLAŠ VUOĐDOČÁHCEGUOVLU Merkemiin čujuhuvvojit vuoddočáhceguovllut, mat leat iešvuođaideaset dáfos mávssolaččat ja mat sáhttet leat dahje leat servodagaid čáhceháhkama dáfos dehálaččat. <i>Guvlui guoski doaibmajuid galgá plánet nu, ahte vuoddočázi šládja, mearri dahje geavahtahttivuohta čáhceháhkamii ii daid váikkuhusas hedjon.</i>
	GIRDIŠLÁPMAGUOVLU Merkemiin čujuhuvvo Avvila girtinstašuvvna jahkái 2025 einnostuvvon L_{den} 55 ja 60 dB girdišláp maguovlu. <i>Guovllus juo leahkki ássama ja eará šláp mii hearkkes doaimma seailuheapmi ja dievasmahttin lea vejolaš. Guvlui sáhtta bidjat ovdamearkka dihte industriija-, doaimmahat- ja johtalusvistiid.</i>
	ŠLÁPMAGUOVLU Merkemiin čujuhuvvo Rovajärvi ja Kyläjärvii báhčin- ja hárjehusguovllu šláp maguovlu L_{Aeq} 55. <i>Guovllus juo leahkki ássama ja eará šláp mii hearkkes doaimma seailuheapmi ja dievasmahttin lea vejolaš guovllu váldoeanageavahanulbmila vuhtii válddedettiin.</i>
	SUODJEAVÁDAT

 sv	Merkemiin čujuhuvvo guovlu, gos guovllu geavaheami galgá ráddjet lagaš várraguovllu dahje eará dakkár čuožáhaga dihte, mii dagaha geavahanráddjehusaid birrasis. <i>Plánedettiin guovllu geavaheami galgá bealuštanfámuide ja gádjuneiseválddiide várret vejolašvuođa cealkámuša addimii.</i>
 sv1	GIRDINDOAIMMA DÁFOS DEHÁLAŠ AVÁDAT Merkemiin čujuhuvvo guovlu, mii lea čujuhuvvon girdinjohtalusa várreseavunsaji birra. <i>Guovllu plánemis galgá váldit vuhtii girdinjohtalusa várreseavunsajis šaddi eanageavaheami ráddjehusat.</i> <i>Girdineastaga dahkki stivlliin ja ráhkkanusain galgá bivdit bealuštanfámuid cealkámuš ja áibmojohtaluslága 864/2014 158 § mielde cealkámuša Trafis.</i>
 sev	SEVESO-GUOVLLUT Merkemiin čujuhuvvo SEVESO III -direktiivva miel konsulterenavádat. <i>Plánedettiin guovllu geavaheami galgá TUKES:ii ja gádjuneiseváldái ja dárbbu mielde bealuštanfámuide várret vejolašvuođa cealkámuša addimii.</i>
 W-1	ČÁHCEGUOVLU, GOANSTAJÁVRI Merkemiin čujuhuvvojit huksejuvvon ja plánejuvvon goanstajávrrit dahje -áldát, mat leat ráddjejuvvon badječáhcerájá mielde.
	GEAIDNU, MAS LEA MEARKKAŠAHTTI DIVVUNDÁRBU
 vt	VÁLDOGEAIDNU
 vt	VÁLDOGEAIDNU, RÁVALAŠ
 kt	VUOĐDOLUODDA
 kt->vt	GEAIDNOLUOHKÁ BAJIDEAPMI kt→vt
 st->kt	GEAIDNOLUOHKÁ BAJIDEAPMI st→kt
 st	GUOVLOLUODDA
 yt	GOALLOSLUODDA
 - yt -	GOALLOSLUODDA, RÁVALAŠ / MOLSSAEKTOSAŠ <i>Doaimma galgá plánat nu, ahte huksen in áitte guovllu vuodđočáziid.</i>
 pr/o + + + + +	VÁLDORAŦFI, RÁVALAŠ / MOLSSAEKTOSAŠ LINNJEMAT <i>Dárkilut plánemis galgá váldit vuhtii guovllu luonddu-, eanadat- ja kulturbirasárvvuid ja dálá ássan sihke viggat láivudit vahátlaš váikkuhusaid.</i> <i>Linnjema dárkilut plánemis galgá dorvvastit boazodikšuma guovlluidegeavaheami doaibma- ja ovddidanvejolašvuođaid.</i> <i>Doaimma galgá plánat nu, ahte huksen ii áitte guovllu vuodđočáziid.</i>
 pr/yt ◀ ▶	VÁLDORAŦFI, OKTAVUOĐADÁRBU
 z	FÁPMOJODAS

	FÁPMOJODAS, RÁVALAŠ
	MOHTORGIELKÁVUODJINMÁĐII
	OLGOLIHKADANMÁĐII
	EANANGODDELÁVVAGUOVLLU RÁDJÁ
	GUOVLLU RÁDJÁ
	OASSEGUOVLLU RÁDJÁ
	RÁVALAŠ GUOVLLU DAHJE OASSEGUOVLLU RÁDJÁ
M 4515	GUOVLLU DAHJE ČUOZÁHAGA EANANGODDELÁVVAMERKEN JA -NUMMIR

Dán eanangoddelávvi gullá čilgehus, mas leat ovdanbuktojuvvon earret earáid deháleamos láva vuolggasajiide ja ulbmiliidda laktáseaddji dieđut, lávvačovdosiid vuoduštusat ja dulkonrávvagat sihke govvádus eanangoddeláva váikkuhusain.

GUOVLLUT MAT GOMIHUVVOJIT:

Dáinna eanangoddelávain gomihuvvo Davvi-Sámi eanangoddelávva (Soađegilli, Ohcejohka, Anár).

HÁLDDAHUSLAŠ MEANNUDEAPMI:

- Lappi lihtu ráđđehus mearridii bidjat eanagoddelávahamosa ráhkadanmuttu gulaskuddamii xxxx
- Ráhkadanmuttu gulaskuddan xxxxx-xxxxx
- Lappi lihtu ráđđehus mearridii bidjat eanangoddelávvaevttohusa almmolaččat oidnosii (EHÁ 12 §) xxxxxx
- Eanangoddelávvaevttohus almmolaččat oidnosis (EHÁ 12 §) xxxxxxxx
- Lappi lihtu ráđđehus mearridii evttohit váldostivrii eanangoddeláva dohkkeheami
- Lappi lihtu váldostivra dohkkehii eanagoddeláva (EHL 31§)
- Eanagoddelávva láhkafámolaš

LAPPI LIHTTU

ROAVENJÁRGA 12.11.2018

Markus Lohi
Ráđđehusa ságajodiheaddji

Mika Riipi
Eanangoddehoavda